



SVANDAL JULETREGARD
Saudavegen 4230
5583 VIKEDAL

Kontakt saksbehandlar

Birgit Sundbø Hagalid, 51568891

Løyve til å plante utanlandsk treslag til juletreproduksjon, gnr/bnr 73/9 Imsland, Vindafjord

SVandal juletregard får løyve til utsetting av blågran på gnr/bnr 73/9 i Vindafjord kommune. Formålet er juletreproduksjon. Løyvet gjeld i 10 år. Det er sett følgende vilkår:

- 1. Alle tre skal fellast før dei startar frøproduksjon og seinast innan 15 år etter planting.**
- 2. Det skal dokumenterast på kva område og kva tid plantinga fann stad.**

Løyvet er gitt med heimel i *forskrift om utsetting av utanlandske treslag til skogbruksformål*. Anna lovverk, så som Norsk PEFC Skogstandard, *forskrift om berekraftig skogbruk og lov om kulturminner*, er fortsett gjeldande.

Me viser til søknad mottatt 14. april 2019 om løyve til planting av utanlandsk treslag til juletreproduksjon på Imsland i Vindafjord kommune.

Heimel

Utsetting av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål* (25.05.2012 nr 460), jf. naturmangfaldlova kap IV.

Søknaden

Du søker om utplanting av utanlandske treslag på eit område på totalt 10 daa. Treslaget det blir søkt løyve om er blågran (*Picea pungens*). Det er søkt om utsetting av 500-1000 tre per år.

Det aktuelle arealet er på eigedommen gnr/bnr 73/9 i Vindafjord kommune, og inngår i eit større areal på 450 daa som fekk løyve til planting av nordmannsedelgran (*Abies normanniana*) og fjelledelgran (*Abies lasiocarpa*) i 2013, og fraseredelgran (*Abies fraseri*) og nobeledelgran (*Abies procera*) i 2016. I søknaden opplyser du at du ynskjer å utvide sortimentet du kan tilby, og at blågran er eit etablert produkt i den norske og europeiske marknaden.



Vurdering

Føremålet med forskrifta er å hindre at planting av utanlandske treslag gjev uheldige konsekvensar for naturmangfaldet. Det er sentralt å sikre at forvaltingsmåla for naturtypar og artar ikkje blir truga av dei framande artane, direkte eller indirekte, jf. naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

Kunnskapsgrunnlag

§ 8 sett krav om at vedtak bygger på kjend kunnskap. Arten blågran er vurdert til låg risiko for spreiding (LO) i Fremmedartslista til Artsdatabanken (2018). I det omsøkte området er det ikkje verneområde eller registrert artar/naturtypar som er trua eller av nasjonal forvaltningsinteresse (Naturbase 2020, Artskart 2020).

I nærliggande område er det registrert ein viktig naturtype ved Berget - gamal fattig edellauvskog (Naturbase, 2020). Naturtypen inngår i eit område som er føreslått for frivillig vern (Fylkesmannen i Rogaland). Saka om frivillig vern er under behandling. Det er ikkje registrert artar av nasjonal forvaltningsinteresse eller eksisterande verneområde i nærleiken av det omsøkte området (Naturbase 2020, Artskart 2020).

Me anser at me har tilstrekkeleg kunnskap om arten blågran, og naturverdiane i og utanfor utsettingsområdet til å ta ei avgjere i saka slik at føre-var-prinsippet (§ 9) ikkje kjem til nytte. Det er likevel viktig å sikre seg mot at plantefelt kjem ut av kontroll, til dømes ved at trea ikkje når alder for frøspreiing. Risiko for spreiding blir handtert gjennom vilkåra til løyvet.

Påverking av økosystemet skal vurderast ut frå samla belastning som økosystemet er eller blir utsett for (§ 10). I dette høvet kan me ikkje sjå at tiltaket legg beslag på eller er eit vesentleg trugsmål mot stadeigne naturkvalitetar.

§ 11 adresserer ansvaret for eventuelle skader på naturmangfaldet til tiltakshavaren. Kostnader ved å bøta på eventuelle skader eller førebygge skadar skal dekkast av tiltakshavar, så langt dei er innanfor rimelege grenser. Dette kan innebære fjerning av eventuell naturleg spreiding av treslag planta for juletreproduksjon.

Driftsmetodar og teknikkar skal i utgangspunktet ta best mogleg omsyn til naturmangfaldet, slik at resultatet gjev dei beste samfunnsmessige resultatata (§ 12). Me har ikkje spesielle merknadar til dette i denne saka.

Samla vurdering

Me kan ikkje sjå at planting av blågran til juletreproduksjon vil vere til vesentleg skade for naturmangfaldet. Det aktuelle treslaget er ikkje knytt til stor risiko jamfør Fremmedartslista (2018), og det er ikkje registrert spesielle naturverdiar som kan bli truga av tiltaket i det omsøkte området. Risikoen for spreiding vil bli handtert gjennom vilkåra, og me kan difor heller ikkje sjå at planting vil ha uheldige konsekvensar for naturtypen registrert i nærleiken av det omsøkte området, eller for eit eventuelt verneområde.

Produksjonsmetoden avgrensar risikoen for spreiding i seg sjølv, men det er likevel viktig å sikre seg mot eventuell frøsetting. Vilåra adresserer difor dette direkte. Det er naudsynt å dokumentere kva tid og kvar planting finn stad, å ha rutinar for å hindre spreiding, og avklare kven som har ansvar for



å sikre hogst før frøsetting innan løyvd tidsramme. Eit løyve gjeld over fleire år og dette dokumentet må bli gjort kjend og overført til ny eigar samtidig som eit eventuelt eigarskiftet skjer.

Vedtak og vilkår

Fylkesmannen gjev med dette løyve til utsetting av blågran på området avmerka i kart vedlagt søknaden. Området er på Imsland i Vindafjord kommune. Løyvet gjeld i 10 år fram til år 2030.

Det blir sett to vilkår til løyvet:

1. Alle tre skal fellast før dei startar frøproduksjon og seinast innan 15 år etter planting. Eigaren av arealet er ansvarleg for felling.
2. Eigaren av arealet skal ved synfaring kunne vise fram dokumentasjon på kva område og kva tid planting av blågran fann stad.

Vilkåra for dette løyvet skal gjerast kjend for ny eigar ved eit eigarskifte.

Tiltaket skal ikkje utførast før tidlegast ei veke etter at klagefristen er ute og ein eventuell klage er ferdig handsama.

Anna lovverk

Me vil minna om at dette løyvet er gitt med hjemmel i *forskrift om utsetting av utanlandske treslag til skogbruksformål* (25.05.2012 nr 460), og at det ikkje sett til side anna lov og rett.

Juletre- og pyntegrøntproduksjon er å rekne som skogproduksjon. *Lov om skogbruk* (27.05.2005 nr. 31) og *forskrift om berekraftig skogbruk* (07.06.2006 nr. 593) er dermed gjeldande. Dette inneberer å følgje Norsk PEFC Skogstandard og ta omsyn til blant anna miljøverdiar, kantsonar, vassdrag, myr og kulturminne. Anne viktig lovverk er *lov om kulturminner* (09.06.1978 nr. 50).

Det er også naudsynt å ha løyve frå kommunen til å omdisponere frå jordbruk- til skogbruksformål etter jordlova om plantefeltet er på dyrka mark.

Klage

De kan klaga på vedtaket innan 3 veker etter de har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

Med helsing

Geir Skadberg
landbruksdirektør

Birgit Sundbø Hagalid
rådgiverjevar

Dokumentet er elektronisk godkjent

Vedlegg

1 Kartvedlegg

